

Bosna i Hercegovina
Federacija Bosne i Hercegovine
Kanton Sarajevo
Grad Sarajevo
Općina Novi Grad Sarajevo
Općinski načelnik

Broj: 02/12-19-11098/23
Sarajevo, 14.7.2023. godine

Na osnovu člana 69. stav (2) tačka d) i e) i člana 70. stav (1) i (4) Zakona o javnim nabavkama („Službeni glasnik BiH“, br. 39/14 i 59/22) i člana 23. Pravilnika o javnim nabavkama roba, vršenju usluga i ustupanju radova broj: 02/12-45-25701/22 od 10.12.2022. godine, a na preporuku Komisije za javnu nabavku radova, Općinski načelnik donosi:

ODLUKU O PONIŠTENJU POSTUPKA JAVNE NABAVKE

I

Poništva se postupak javne nabavke Izvođenje radova na izgradnji javne rasvjete, broj obavještenja 422-1-3-113-3-104/23, objavljeno na Portalu javnih nabavki dana 10.5.2023. godine, Ispravka za obavještenje o nabavci br. 422-1-3-113-8-155/23 od 23.6.2023. godine i “Službenom glasniku BiH- Oglasnik javne nabavke” br.46/23, obzirom da je cijena prihvatljive ponude veća od osiguranih sredstava za predmetnu nabavku.

II

Zadužuje se Služba za zajedničke poslove da ovu Odluku objavi na web stranici Općine www.novigradsarajevo.ba istovremeno sa dostavljanjem ponuđačima koji su učestvovali u postupku, u skladu sa članom 70. stav (6) Zakona o javnim nabavkama.

Obrazloženje

Odlukom broj 02/12-19-11098/23 od 08.5.2023.godine Općina Novi Grad Sarajevo pokrenula je otvoreni postupak javne nabavke - Izvođenje radova na izgradnji javne rasvjete, broj obavještenja 422-1-3-113-3-104/23, objavljeno na Portalu javnih nabavki dana 10.5.2023. godine, Ispravka za obavještenje o nabavci br. 422-1-3-113-8-155/23 od 23.6.2023. godine i “Službenom glasniku BiH- Oglasnik javne nabavke” br.46/23.

Zapisnikom o otvaranju ponuda od 06.7.2023. godine Komisija je konstatovala da su u predviđenom roku, u propisno upakovanim kovertama pristigle tri (3) ponude ponuđača:
1. „Nexen“ d.o.o. Banja Luka, 2. “Ses” d.o.o. Sarajevo i “Mevludin commerc” d.o.o. Ilidža i 3. “Step” d.d. Sarajevo i “Sela” d.o.o. Sarajevo.

Nadalje, Komisija je pristupila analizi i ocjeni ponuda u skladu sa uslovima iz tenderske dokumentacije. Komisija je utvrdila da ponuđača „Nexen“ d.o.o. Banja Luka ne ispunjava kvalifikacioni uslov tražen u tenderskoj dokumentaciji iz tačke 3.4.1. (b) i(c) *tehnička i profesionalna sposobnost – „b) da je jedno lice VSS - građevinske ili arhitektonske struke u radnom odnosu na neodređeno vrijeme zaposleno kod ponuđača sa položenim stručnim ispitom i radnim iskustvom od najmanje 5 godina; c) da će na predmetnom poslu ponuđač angažovati sljedeće tehničko osoblje: jednog VSS diplomiranog inženjera elektro struke sa položenim stručnim ispitom i radnim iskustvom od najmanje 5 godina.”*

Tačkom 3.4.2. (b) i (d) propisano je da se navedeno dokazuje na sljedeći način: *“b) Dokaz izdat od PIO ili MIO ili Porezne uprave da ponuđač u radnom odnosu na neodređeno vrijeme ima zaposlenog jednog VSS diplomiranog inženjera - građevinske ili arhitektonske struke sa datumom izdavanja koji nije stariji od 30 dana računajući od dana utvrđenog kao krajnji rok za predaju ponuda; (original ili*

ovjerena kopija); d. Dokaz o stručnoj spremi, položenom stručnom ispitu i radnom iskustvom za VSS diplomirane inženjere iz tačke b) i c) (original ili ovjerena kopija)."

Uvidom u dostavljenu ponudu ponuđača „Nexen“ d.o.o. Banja Luka konstatovano je da ponuđač nije dostavio prihvatljive potvrde o radnom iskustvu za inženjere iz tačke 3.4.1. b) i c) tenderske dokumentacije. Na stranici 40. ponude dostavljena je potvrda o radnom iskustvu za inženjera elektrotehnike, ali je Komisija ocijenila da potvrda o radnom iskustvu broj 348-04/23 od 18.4.2023. godine za inženjera elektrotehnike nije prihvatljiva jer u istoj nije navedeno gdje je imenovani stekao radno iskustvo, odnosno da li je zaposlen/angažovan 5 godina u privrednom društvu „Nexen“ d.o.o. Banja Luka koje je izdavalac potvrde, niti se to može zaključiti iz druge dokumentacije dostavljene u ponudi obzirom da je u Uvjerenju Porezne uprave navedeno da je datum početka osiguranja za imenovanog od 01.10.2019. godine, a što je manje od 5 godina i suprotno navodima potvrde. Izdavalac potvrde može izdavati potvrdu o evidencijama koje vodi, odnosno o radnom iskustvu koje je imenovani ostvario kod izdavaoca potvrde, a ne o radnom iskustvu koje je eventualno stečeno kod drugog poslodavca. Na stranici 45. ponude dostavljena je potvrda o radnom iskustvu za dipl.ing.građevinarstva u kojoj se navodi da imenovana ima više od 5 godina radnog iskustva na poslovima građenja. Komisija je ocijenila da potvrda o radnom iskustvu broj 628-07/23 od 4.7.2023. godine za dipl.ing.građevinarstva nije prihvatljiva jer u istoj nije navedeno gdje je imenovana stekla radno iskustvo, odnosno da li je zaposlena/angažovana 5 godina u privrednom društvu „Nexen“ d.o.o. Banja Luka koje je izdavalac potvrde, niti se to može zaključiti iz druge dokumentacije dostavljene u ponudi obzirom da je u Uvjerenju Porezne uprave navedeno da je datum osiguranja imenovane od 01.10.2021. godine, a što je manje od 5 godina i suprotno navodima potvrde. Izdavalac potvrde može izdavati potvrdu o evidencijama koje vodi, odnosno o radnom iskustvu koje je imenovana ostvarila kod izdavaoca potvrde, a ne o radnom iskustvu koje je ostvareno kod drugog poslodavca.

Iz naprijed navedenog razloga utvrđeno je da ponuđač „Nexen“ d.o.o. Banja Luka ne ispunjava uslove tražene u tenderskoj dokumentaciji iz tačke 3.4.1. (b) i (c) – tehnička i profesionalna sposobnost, odnosno da je ponuda nepravilna, te je ponuda odbačena shodno odredbama člana 68. stav (4) tačka i) Zakona o javnim nabavkama.

Komisija je izvršila računsku kontrolu ponude grupe ponuđača „Ses“ d.o.o. Sarajevo i „Mevludin Commerc“ d.o.o. Ilidža i utvrdila računsku grešku, tako da ukupna ponuđena cijena nakon ispravke računске greške, teba da bude 104.475,15.

Ponuđač je dostavio saglasnost na ispravku računске greške broj 145-IZ-02/23 od 10.7.2023. godine. Nakon ispravke računске greške ponuda grupe ponuđača „Ses“ d.o.o. Sarajevo i „Mevludin Commerc“ d.o.o. Ilidža prelazi planirana sredstava ugovornog organa za predmetnu javnu nabavku, odnosno prelazi procijenjenu vrijednost nabavke iz Odluke o pokretanju postupka. Shodno navedenom ponuda je neprihvatljiva, a što je i u skladu sa savjetodavnim mišljenjem Agencije za javne nabavke BiH. Predmetnim mišljenjem je navedeno da *u otvorenom postupku javne nabavke i konkurentskom zahtjevu za dostavu ponuda neprihvatljivo. ' ponude se cijeni u toku postupka, a u slučaju da je predviđena e-aukcija, neprihvatljivost se cijeni prije zakazivanja e-aukcije.*

Iz naprijed navedenih razloga utvrđeno je da je ponuda grupe ponuđača „Ses“ d.o.o. Sarajevo i „Mevludin Commerc“ d.o.o. Ilidža neprihvatljiva u skladu sa članom 2. stav (1) tačka l) Zakona o javnim nabavkama BiH.

Komisija je utvrdila da ponuda grupe ponuđača „Step“ d.d. Sarajevo i „Sela“ d.o.o. Sarajevo ne ispunjava kvalifikacioni uslov tražen u tenderskoj dokumentaciji iz tačke 3.4.1. (b) i (c) *tehnička i profesionalna sposobnost – „b) da je jedno lice VSS - građevinske ili arhitektonske struke u radnom odnosu na neodređeno vrijeme zaposleno kod ponuđača sa položenim stručnim ispitom i radnim iskustvom od najmanje 5 godina; c) da će na predmetnom poslu ponuđač angažovati sljedeće tehničko osoblje: jednog VSS diplomiranog inženjera elektro struke sa položenim stručnim ispitom i radnim iskustvom od najmanje 5 godina."*

Tačkom 3.4.2. (b) i (d) propisano je da se navedeno dokazuje na sljedeći način: *“b) Dokaz izdat od PIO ili MIO ili Porezne uprave da ponuđač : radnom odnosu na neodređeno vrijeme ima zaposlenog jednog VSS diplomiranog inženjera - građevinske ili arhitektonske struke sa datumom izdavanja koji nije stariji od 30 dana računajući od dana utvrđenog kao krajnji rok za predaju ponuda; (original ili*

ovjerena kopija); d. Dokaz o stručnoj spremi, položenom stručnom ispitu i radnom iskustvom za VSS diplomirane inženjere iz tačke b) i c) (original ili ovjerena kopija).”

Uvidom u dostavljenu ponudu grupe ponuđača “Step” d.d. Sarajevo i “Sela” d.o.o. Sarajevo konstatovano je da je:

- na stranicama 37-41 ponude ponuđač je dostavio dokumentaciju za VSS diplomiranog inženjera elektro stuke, ali za imenovanog nije dostavljen dokaz o radnom iskustvu od 5 godina, obzirom da je na listi osiguranih lica za obaveznika broj 13-914-12-45-12812/23 od 17.4.2023. godine kao početak osiguranja imenovanog naveden dan 07.5.2019. godine.

Iz naprijed navedenog razloga utvrđeno je da grupe ponuđača “Step” d.d. Sarajevo i “Sela” d.o.o. Sarajevo ne ispunjava uslove tražene u tenderskoj dokumentaciji iz tačke 3.4.1. (b) i (c) – tehnička i profesionalna sposobnost, odnosno da je ponuda nepravilna, te je ponuda odbačena shodno odredbama člana 68. stav (4) tačka i) Zakona o javnim nabavkama.

Na osnovu navedenog u skladu sa odredbom člana 69. stav (2) tačka d) i e) Zakona o javnim nabavkama odlučeno je kao u dispozitivu.


Pouka o pravnom lijeku:

Protiv ove Odluke može se izjaviti žalba Uredu za razmatranje žalbi BiH putem ugovornog organa u roku od 10 (deset) dana od objave Odluke o poništenju postupka. Žalba se podnosi u pisanoj formi u dovoljnom broju primjeraka u skladu sa članom 99. i 101. Zakona o javnim nabavkama.

Obradila: Anisa Bešadić, sekretar Komisije

DOSTAVITI:

1. Služba za zajedničke poslove
2. Komisiji za javne nabavke radova
3. Ponuđačima u postupku
4. U spis



Općinski načelnik

mr. Semir Efendić